

# 檳城新報

英一千八百九十  
九年九月二十號

清光緒二十五年  
己亥八月十六日

印三拜禮牌門號二十三第及號十三百二號八十二百二第街在設開館本

Printed and Published by Lim Seng Hooi at the Criterion Press, Nos. 223, 224 & 222, Beach Street, Penang.

**論官場情面勢難破除**

蓋謂官方肅然後國家有人才舉錯明然後朝廷無倖位古大臣以人事君所由刑賞必歸於公正也近世以來用舍失明舉劾鮮當所謂大臣者大都視情面以用事務粉飾以爲工遇有御史劾交查事件無不依回瞻徇交相蒙蔽所委者爲直省屬員或交督撫查明核辦非曰查無實據即曰事出有因一以徇其庇護之私一以掩其失察之咎大都覆奏含糊苟且了事即遇事機重大特發欽差行查亦必含大從小避重就輕祇擇其小小過失以爲塞責之端或歸咎於私人或暫降其官階一場大風波每被其輕輕躲過從未有與案案盡相符合而科以重罪者各省皆然千篇一律乃御史未聞列款再參而朝廷亦明知不問蓋以官場情面習成風氣不可破雖朝廷亦未之知也即如此次剛中堂奉 命到江南論其分位則儼居宰輔之尊而又素具剛直之性遇有交查事件宜若直言不諱矣乃觀其覆奏御史余誠格張荷鶴奏劾兩摺有令人不能無疑者余誠格奏委溥督松樁一摺中有信用屬員賄賣差缺明比爲奸添設捐局搜括商民激成衆怒以及葦蕩湖濶私徵入己歲修河坎勉扣自肥加以營務廢弛諱災不報奏獎私人玩視民命種種罪狀指不勝屈甚有督署重地竟容賣妻母女往來營謀差委賄賂公行等語直奏不諱其情節可謂重矣乃剛中堂覆奏於信任屬員賣缺分肥一節則指爲道路傳聞之誤於添設捐局激成衆怒一節則委諸小民誤聽之非其餘各款罪狀皆多方爲之開脫祇歸咎於候補知縣周士鈺迹近招搖素行不謹請行革職而該督僅以失察請交部照例議處了案已足異矣然或者以松樁同是滿人代爲解釋猶可說也彼鹽道胡家楨則非滿人而爲漢人矣乃查張荷鶴奏胡家楨一摺案中情節謂其兄弟異籍規避取巧以遊幕省分爲服官省分顯干例禁以及性好治遊在滬在場當差私娶妓女廣置房產夥通奸商販米出洋私買鹽票營運取利賣礦廠而私吞入己慶壽辰而廣收餽遺復令其子分充鹽局委員濫支薪水其案亦不輕矣而剛中堂覆奏亦事事若爲之解釋獨舉其從前性好治遊不知自愛及不應令其子充鹽局委員致招物議奏請交部議處而於在滬在場所娶有姓名可指之伎女亦以尙無確據了之兩處覆奏事同一律豈兩御史所奏皆憑空杜撰欺抑剛中堂獨有愛於二人而故爲之袒護歟是皆非也蓋御史奏案志在必行保無有過激之語抑且風聞言事或探聽之未真而我 朝又政存寬大既借小愆爲大誡亦不欲過事苛求是以凡遇案案各存得過且過之心又因情面用事官場久視爲固然斷難違衆而獨立况所奏之人非其親戚察友即其故吏門生即素無一面交亦必求大察尺一書多方請託而承審是案者念及情面二字勢不得不代爲圓融此案如是彼案效之豈假相習成風遂成固結莫解之勢故雖以剛中堂之正直無私尙不能破除陋習力挽澆風况其下者乎噫中國官場積弊如此而欲整飭吏治澄叙官方難矣難矣

**上諭恭錄** ○七月十八日內閣抄奉 上諭鄧華熙奏保賢能各員一摺安徽試用道童祥照鳳陽府知府馮煦太平府知府陳文祿試用同知龍鳳軍候補直隸州知州屈承福阜陽縣知縣黃家傑太湖縣知縣柯邵敬據該撫陳各該員政績均不愧賢能之選着給咨送部引見另片奏建平縣知縣彭伊才質性懇疏不諳吏治着以教職歸部銓選試用知縣王子銘識見平庸罔知大體着以府經歷縣丞降補以肅官方餘著照所請辦理該部知道欽此○二十日奉 上諭張之洞于蔭霖奏特庸庸劣無能之知縣及任性妄爲之在籍知府一摺湖北通山縣知縣高震榮沽染嗜好聽斷不勤縱

## 目錄

- 論官場情面勢難破除
- 警者多能
- 娶婦受騙
- 漸越雷池
- 罷市述聞
- 入俄銀稅
- 錫務日紀
- 疫癘潛消
- 殺母巨案
- 上諭恭錄
- 怡里來鴻
- 檳城雜俎
- 部議二都島事宜
- 毒蛇報怨
- 英京電音
- 局員定選
- 府案摘譯
- 大員籌餉
- 大府虛懷
- 禁令新頒
- 郵局滙兌
- 新律已行
- 求維國法
- 各貨行情

本館告白 ○啟者本館每日新聞清晨即派人送呈本坡 各寶號台覽倘有遺漏之處統冀 閱報諸君懇即前來通知或 惠函示悉容當續送以補闕畧此奉 聞 光緒二十五年七月十七日 本館謹啟

# 售出貨各司公限有弟兄葛綴

KATZ BROTHERS Limited, Penang.

駝駱上頂  
帶車火毛  
售發

## 柴火標鷹



本公司所售鷹標火柴工料精妙既擦燃之如意復潮濕之無虞誠與猴標相伯仲已蒙 諸君試用各屬流行即本埠社尾協振號羅申街晉昌號及噶中各大商家均有代兌 諸君賜顧者請認飛鷹標頭爲記庶不致誤此佈

大清光緒丙申年四月十七日  
大英一千八百九十六年五月十九號  
綴葛兄弟公司啟

## 酒蜜標頭猪雄




啟者本公司自到顏爾士雄豬頭印蜜酒來檳招售此酒異常香美飲者能養精神調和氣血諸君購酒請認此標爲記庶不致誤特此佈

## 售發油土標龍


啟者本公司新到龍印土油來檳出售 諸君光顧其油選擇精料配製燃燈光亮無煙可向代理人中街藏德號羅申街瑞遠號裕勝號採買便是特此佈

## 酒池連萬力國



此酒造製之法精妙異常其味清香凡沽飲者均稱善賜顧者請認明此標不致誤此佈

## 酒威已實堅武



啟者本公司自到顏爾士雄豬頭印蜜酒來檳招售此酒異常香美飲者能養精神調和氣血諸君購酒請認此標爲記庶不致誤特此佈

## 粉兒肥氏連美 MELLIN'S FOOD.

啟者本局所製之肥兒粉專培養嬰兒及人身羸弱兼補益血肉筋脈及令骨格粗健此粉係精究化學參考醫理用五穀製煉而成全無漿滯之氣亦無蔗糖攪入其性質極易消化一入腹內便可直透血管且有槓灰之功力擅治不消化及噎腐吞酸等病給嬰兒及體弱之人服食與以消解牛奶滯氣用牛奶開服可以培補全身無論人身壯弱有無病症服之俱無不宜若給乳母服食能使乳汁暢旺極鮮美有益











至店家騷擾勢洶洶致各舖公憤紛紛罷市旋經某典舖邀齊首事人城具控應知衆怒難犯恐釀禍端趕即挽人排解並令地保按戶燃香點燭服禮寢事然已大費周折矣

殺母巨案 ○湖南湘潭縣有王貽鶴者年已花甲龍鐘不堪家道小康尙有一母年逾八旬王平日侍奉甚謹頗有純孝之名一日王自外歸突見室中有一巨蛇自炎炎逼人昂首吐舌急持鋤擊之頃刻即斃及細視之知所擊者乃其母也王之弟聞警而入見此慘狀痛極投水而死家人以王因瘋毆母報案該縣願大令玉成詳解省垣即於七月初四日恭請 王命將該犯押赴市曹凌遲處死事係創聞情殊可憫非忤逆者所可同日而語此不知是何冤孽致使伊母子遭此慘死也

毒蛇報怨 ○浦左屬港鄉民某姓叔姪二人于前月初擇灘船至北鄉購買豬糞以備壅田之用是晚停船睡臥後其叔夢一老人旋與叙語並言明日擬趁爾船回里當酬青蚨二百文以爲舟資某姓豬糞中石板下之蛇即余化身也余惟恐爾姪有意相害特來面託務乞援手容圖後報鄉民醒後以爲亂夢亦姑置之翌日買成豬糞一棚即由兩姪挑運下船其叔自携鐵搭爲之裝担旋于豬糞中檢得大錢二百文始悟夢中所言頗爲駭異及至糞已出清果有石板一塊揭起時見有二尺許之黃蛇一條腹甚粗大該鄉民心知有異以蛇置于箕中令其姪携放船內並告以夢中所言切囑勿害部署停當開船回里蛇亦盤踞船中並不移動及至家中時已半夜叔姪二人均在船唇臥以待日逾時聞田車聲栗碌知天將破曉呼姪起身煮飯聞岸上厚水者大呼蛇咬該鄉民急視船中蛇已烏有登岸詢之乃係三人同踏一車中間一人被傷倒地蛇已不知去向由其同人扶送至家旋即毒氣攻心而斃按此事頗涉謠言然該鄉民近復時來購糞向人細述言之鑿鑿諒非無因爰姑錄之以志其異閱者以爲閱齊諸一則可也

大府虛懷 ○鄂撫于中丞初蒞任時外間傳說與紗布洋務局總辦王雪丞觀察素恩頗有齟齬而觀察亦時存引退之志乃近見明文中丞竟以觀察首列薦剡先後相懇嗣聞中丞始意本不滿於觀察繼思人言未可盡信屢次命駕觀察衙中察其辦事極有條理與之接談才識敏練中丞遂深爲佩服成見胥融此觀察明保之由來而中丞虛懷察吏亦罕有矣

畫格聲明 ○今有皖省魯月齋先生雅善丹青向在粵東聲名久著素以詩畫自娛好游山水近又以筆墨緣末游海外檳城想跡專畫翎毛花卉水墨蘭竹均係寫意入上海浙江一派所訂潤格 六尺中堂一紙四元 五尺中堂一紙三元 六尺屏四幅五元 五尺屏四幅三元 其餘細目不及備載另有畫格 諸君惠顧請移玉到檳城新萬山街永吉軒畫舖青閣可也昨由大吡叻石洞來檳偶題一絕詩句附錄於左 遨遊海外任留連到處看山亦是緣昨憶登車頓望洞天深處入雲煙 光緒廿五年八月十四日 檳城新萬山永吉軒代告

敬頌良醫 ○啓者余弟卓坤去年底得兩感壞症勢已垂危後聞友人說 崔效山先生醫學精明又得瑞泰祥馬君力荐遂請 先生定脈果然見症知原藥僅數貼大病已瘳今夏又病脚症舉步不能者數日適 先生自外埠返藥到春回因感再造之德敬送扁額外並登報端以廣 先生神手佛心之實耳 先生寓北索街太和堂統理男婦內外雜症此佈 光緒廿五年八月十四日 漆木街廣恒源江輝敬頌

退股聲明 ○啓者大吡叻布地寶恒號什貨生意係我羅建三 譚標 梅鏡泉 何植 馮錫煌五人合股自乙未年開張茲我羅建三 梅鏡泉 譚標 何植四人意欲別圖願將寶恒股內生意並舖底傢私來往賬項全盤割歸馮錫煌一人承受從已亥年七月十六日止截以前數項當堂結算明白自後寶恒號生意盈虧或有揭借貨項等一概與我退股人無涉特此聲明以免後論 大清光緒己亥年八月十一日 退股人 羅建三 何植 梅鏡泉 譚標 全白

招辦餉碼告白 ○大和蘭國駐紮檳城領事官實比勝爲招投餉碼事照得望加麗轄內○一碩莪及蠟等餉碼○二峇眼亞比亞比之當碼俱已擬定和九月廿八號即華八月廿四日禮拜四早十點在望加麗出投此碼係由和一千九百年正月一號起至一千九百零一年三月三十一號止或由一千九百年正月一號起至一千九百零二年三月三十一號止均無不可凡有商人欲來承辦者准於是日投票所有一切情形請即到本署查閱自悉其詳此佈 西一千八百九十九年九月一號 大清光緒二十五年七月廿七日 告白

訪尋命理先生 ○予於癸巳歲在本埠觀音廟邊天下第一命相館中獲晤潘中岳先生請其批寫命書於今七年所歷運途與先生所評者若合符節先生之知命固有可以預知者名爲天下第一家詢不愧也予亦無以爲報爰刊列報章倘 諸君子有知先生現在蹤跡者煩爲代報請到廣福居公館弟蒙其定命之恩將圖報焉 光緒己亥年七月初九日 英一千八百九十九年八月十四日 林克全謹啓

九包云

拆城雜俎 ○本十二早有閩人鄭某到社尾捕房報稱伊住在本埠開設某藥材舖僱同籍人蔡某爲夥理店中諸務是早伊因事出門蔡到某間將伊之衣箱挖開竊去洋銀三十元衣褲四件約值銀三元比伊值知經已逃去不得已請爲查緝云云聞鄭於報案後又遣伴四出偵尋幸是午十一點時於本頭公巷遇蔡即向前扯住指交一百一十號偵差搜其身上尙存有銀十餘元并有新衣褲各一件遂即解行送案以憑實證○國家偵日巡山於本十三日到距城二十英里之十公司地方見有與呂人嗎嗚亞姊於戲處山巔用藥炸開巨石差即前查并未領有國家憑照擅行挖取有干禁例遂以該地屬浮爐轄內差乃爲解往該處衙門請爲懲辦云○吉寧人務抵加者向在街某舖口擺設錫棹於本十三晚久坐體倦不覺假寐突有二華童乘其睡態驟向前搶去錫棹一封被巫籍暗牌差偵悉即隨後追趕至義福街二童捷足經已分途遠去差乃舍之噫二封之錫只值得一元銀耳而猶以身試法也若此者真覺可憐可笑○本十四晚五下鐘時十二間地方突聞警鐘亂撞請該處失火還又聞報謂已經救止未及成災云

府案摘譯 ○吉寧人毛緒住施埔埔地方因未請工部局照擅將其屋改作牛欄爲潔淨員實加里在府署請票傳訊十二日薛太守堂判罰銀二十元○潮人某甲乙同在安順律地方種菜私以人糞培植被控於案同日薛太守堂訊以其有違禁例判各罰銀五元 新律已行 ○前者三州府國家議設娼寮新律四條 一娼寮妓女如有花柳等症不行報案就醫以致傳染于人者一經查出則將該寮搗毀罰銀五百元再犯者若本人非英地生長則遞解回籍 二私窩被官察出國家可以出票令其關禁若不遵行每日罰銀二十五元 三此等私窩國家先行通知厝屋業主以後不得再租作私窩倘不遵行則該厝主可以罰銀至五百元 四凡男子並無經紀謀生專恃下賤婦女作皮肉生涯資其用度者一經破案其人則判禁三個月以上新例現在列入憲報業于去月廿四日由叻督閱制軍批准經已施行矣

漸越雷池 ○越南信言東京現有法員督帶營勇入駐華界至所緣何故該報未有言明然履霜堅冰履懷時局者彌抱杞人之憂矣 疫癘潛消 ○香港中核疫流行上月已漸消滅惟或斷或續仍未能一律平康茲查初一日午前廿四點鐘內港屬並無患疫之人惟望從此瘴氣盡除疫疹不生則誠居民之福也

部議三都島事宜 ○戶部查福建甯甯府屬三都澳開設口岸該督奏請將甘江通判移設該處改爲福甯府三都海防同知既經吏部議准所有應裁通判並改設同知俸廉役食應如何裁添之處應令該督迅速照章妥議奏明辦理 又查閩督奏稱附近三都島水陸分岐各處商民貨物均可繞越請添設局卡以征稅厘自爲預防偷漏慎重厘務起見應請准如所奏辦理並令該督將添設局卡處所委員巡丁人等月需用薪水銀兩查照向章在於收厘餘項下撥開支不得動用正款一面將員丁人役等銜名月支局用整日先行開單報部備案 又查福建建設稅關衙署並茶葉屯棧工需既據該督奏稅關已由稅務司估定價值開平銀二萬五千兩在洋稅項下動支應俟該關征收稅銀有款即行籌還以清欸目該關應征各項洋稅務須遵照各海關章程按三個月爲一結將收支數目開單奏明一次扣足四結再行開單奏咨報部以歸一律並將征收貨物斤重件數銀數分晰造具細數清冊送部查核以重稅課又開辦衙署屯棧用款先由藩司於地丁項下撥銀一萬兩給發領用應請俯如該督所奏暫准動撥惟地丁一項係正供錢糧此項工程既歸三都開埠經費內報銷其暫撥地丁銀一萬兩自應歸還原款統俟事竣將一切用款核實報部核銷毋稍浮冒

大員籌餉 ○字林西報言近接蘇州信息內述 皇太后欽派大員剛毅至蘇以來刻已兩月所有籌派之數已得銀七十五萬有已經應允者亦有經人作保者然原意須得二百萬之鉅刻下尙有一百二十五萬未籌出亦須派自蘇其已經籌得之七十五萬金聞係南京釐金總局二十萬兩鹽務十二萬兩上海道十萬兩招商電報兩局十萬兩南京裁去高等及練將二學堂經費六萬兩南京製造節省各費二萬兩鎮江道一萬兩南京商務局一萬兩共六十四萬餘乃由江蘇鹽務分按等差設法抽提約在十萬左右計頭等鹽釐二千兩二等一千五百兩三等一千兩總共約有七十五萬之多俱由剛大員如數籌出第以上僅在長江之北一帶地面所有蘇省內地並漕務稅釐等項至少每年尙須籌銀一百萬兩始可取道浙省內中照二百萬核算尙少銀廿五萬兩此則富在大小文武各員俸銀項下畧加酌減云

求維國法 ○福建馬江船廠所鑄之錢原爲搭支各匠役辛工之用僅在馬尾街各店及附近鄰鄉村行使尙未盤運晉省故省中只有官鑄薄錢並無廠鑄大錢本月朔日馬尾街公議禁用省鑄其市面交易除廠鑄外概以小洋錢抵用如有私用省鑄之家察出議罰無如省中廠鑄無多以致不敷周轉雖有角洋抵用而各種零售生意非錢不可不便殊多茲聞各舖戶與隣近鄉者僉稟船署提調懇請開爐鼓鑄以便民生而維國法云

罷市述聞 ○甬東姜村地方有應孝廉者因近來各鄉花會充斥不能禁止遂號召無賴多人遇村人之肩背猜壓者即肆邀劫半途得賞充俸資費不料若輩不分清白一律強掠前日有姜村某舖夥收賬而回又某村人買物外出囊中儲有洋銀無賴硬指均係壓實攔劫無遺事後尙論無賴恃應之勢反